

ZAKON O IZMJENAMA I DOPUNAMA ZAKONA O PENZIJSKOM I INVALIDSKOM OSIGURANJU FEDERACIJE BOSNE I HERCEGOVINE

Zakon o penzijskom i invalidskom osiguranju objavljen u "Službenim novinama Federacije BiH", broj 29/98 os 23. jula 1998. godine se mijenja na sljedeći način:

Clan 1.

1. U članu 32., nakon stava 1, Zakona o penzijskom i invalidskom osiguranju, dodaje se novi stav 2. koji glasi: "Penzijski osnov iz stava 1. ovoga člana utvrđuje se na osnovu mjesečnog prosjeka plaća koje je osiguranik ostvario u :

- a) 2005. godini za 17 godina osiguranja;
- b) 2006. godini za 19 godina osiguranja;
- c) 2007. godini za 21 godinu osiguranja;
- d) 2008. godini za 23 godine osiguranja;
- e) 2009. godini za 25 godina osiguranja;
- f) 2010. godini za 27 godina osiguranja;
- g) 2011. godini za 29 godina osiguranja;
- h) 2012. godini za 31 godinu osiguranja;
- i) 2013. godini za 34 godine osiguranja;
- j) 2014. godini za 37 godina osiguranja;
- k) 2015. godini za 40 godina osiguranja."

2. Riječi: "od 15 godina" u stavu 4. mijenjaju se riječima: "od broja godina osiguranja utvrđenih u st. 1. i 2. ovoga člana."

3. Raniji st. 2., 3. i 4. postaju st. 3., 4. i 5.

Clan 2.

1. Clan 50. stav 1. mijenja se i glasi:

"Starosna penzija se utvrđuje u procentu od penzijskog osnova prema dužini penzijskog staza. Za 20 godina penzijskog staza ona iznosi 45% penzijskog osnova. Za svaku dalju navršenu godinu, povećava se na sljedeći način:

- a) u 2001. godini za 1,90%;
- b) u 2002. godini za 1,80%;
- c) u 2003. godini za 1,70%;
- d) u 2004. godini za 1,60%;
- e) u 2005. godini i u sljedećim godinama za 1,50%;

2. Nakon stava 1., dodaje se novi stav 2., koji glasi:

"Od 2005. godine starosna penzija ne može iznositi više od 75% penzijskog osnova."

3. Raniji st. 2. i 3. postaju st. 3. i 4.

Clan 3.

1. U članu 51., st. 1., 2. i 3. se mijenjaju i glase:

Uskladjivanje penzija utvrđenih u skladu sa odredbama ovoga zakona vrši se mjesečno, po potrebi, na osnovu sredstava dodjeljenih za isplatu penzija.

Ukoliko penzijska sredstva koja posjeduje nositelj osiguranja (u daljem tekstu: raspoloživa sredstva) nisu jednaka troškovima, što podrazumijeva administrativne troškove i penzije u iznosu utvrđenom u skladu sa ovim zakonom za mjesec za koji se vrši isplata penzija (u daljem tekstu: troškovi), vrši se ponovni obračun penzija tako što se iznos penzija za taj mjesec množi dolje utvrđenim koeficijentom.

U slučaju da su raspoloživa sredstva manja od troškova, koeficijent iz stava 2. ovoga člana utvrđuje se tako što se sredstva potrebna za administrativne troškove i sredstva potrebna za isplatu svih penzija do minimalnog iznosa za taj mjesec oduzimaju od raspoloživih sredstava. Iznos potreban za isplatu minimalnog iznosa penzija svim penzionerima utvrđuje se množenjem broja korisnika penzijskog osiguranja sa minimalnom penzijom.

Iznos koji se dobije kada se administrativni troškovi i penzije od minimalnog iznosa oduzmu od raspoloživih sredstava za taj mjesec dijeli se iznosom potrebnim da se izvrši isplata svim penzionerima u tom mjesecu, na osnovu penzije u iznosu utvrdjenom u skladu sa ovim zakonom, nakon oduzimanja administrativnih troškova i iznosa potrebnog za isplatu minimalnih penzija svim penzionerima.

2. Nakon stava 3., dodaje se novi st. 4., 5. i 6. koji glase:

Kada su raspoloživa sredstva manja od troškova, sve penzije osim minimalne penzije množe se koeficijentom iz stava 3. ovoga člana. Koeficijent se primjenjuje na razliku između svake pojedine penzije u iznosu utvrdjenom u skladu sa ovim zakonom za mjesec za koji se vrši isplata penzija i minimalnog iznosa penzija. U slučaju da su raspoloživa sredstva veća od troškova, koeficijent iz stava 2. ovoga člana utvrđuje se oduzimanjem sredstava potrebnih za administrativne troškove od raspoloživih sredstava. Iznos koji se dobije oduzimanjem administrativnih troškova od raspoloživih sredstava dijeli se sa iznosom potrebnim da se izvrši isplata svim penzionerima u tom mjesecu, na osnovu penzije u iznosu utvrdjenom u skladu sa ovim zakonom, nakon oduzimanja administrativnih troškova.

Kada su raspoloživa sredstva veća od troškova, koeficijent se odnosi na sve penzije. Svaka pojedina penzija utvrđena u skladu sa ovim zakonom množi se koeficijentom iz stava 5. ovoga člana.

Član 4.

1. U članu 54. stav 2. riječi: "od 15 godina" se mijenjaju riječima: "od broja godina staza osiguranja u skladu sa članom 32. st. 1. i 2. ovog zakona".

2. U stavu 3. riječi: "od 15 godina" se mijenjaju riječima: "od broja godina staza osiguranja u skladu sa članom 32. st. 1. i 2. ovog zakona."

Član 5.

U članu 55, stav 1. riječi: "određuje se u visini od 85% od penzijske osnove" mijenjaju se riječima: "ne može biti manja od iznosa starosne penzije za 40 godina penzijskog staza."

Član 6.

Član 56. se mijenja i dopunjuje tako da glasi:

"Invalidska penzija u slučaju invalidnosti prouzrokovane bolešću ili povredom van rada određuje se u procentu u ovisnosti o broju godina penzijskog staza i pokrivenosti radnog vijeka penzijskim stazom i iznosi:

Navršeni penzijski staz (godina)	Pokrivenost radnog vijeka penzijskim stazom 3/4 i više%	Pokrivenost radnog vijeka penzijskim stazom manje od 3/4
do 20	50	47
21	51,67	48,87
22	53,34	50,74
23	55,01	52,61
24	56,68	54,48
25	58,35	56,35

26	60,02	58,22
27	61,69	60,09
28	63,36	61,96
29	65,03	63,83
30	66,70	65,70
31	68,37	67,57
32	70,04	69,44
33	71,71	71,31
34	73,38	73,18
35 i vise	75	75

Invalidska penzija ne može biti veća od 75% od penzijskog osnova."

Član 7.

U članu 58. riječi: "od 85%" se mijenjaju riječima: "od 75%".

Član 8.

U članu 72. stav 1. poslije riječi "ostvarili" riječ "starosnu" se briše, a poslije riječi: "osnova" dodaju se nove riječi koje glase:
"ili osiguranicima koji su ostvarili starosnu penziju sa 40 godina penzijskog staza i invalidsku penziju sa 35 godina penzijskog staza".

Član 9.

Poslije člana 72. dodaje se novi podnaslov 6.a. - Novčana naknada za fizičku onesposobljenost - kao i čl. 72. a, 72. b, 72. c i 72. d, koji glase:
"6a - Novčana naknada za fizičku onesposobljenost.

Član 72.a.

1. Fizička onesposobljenost postoji kada je osiguranik pretrpio gubitak, ozbiljnu povredu ili značajnu onesposobljenost organa ili dijelova tijela što pogorsava prirodnu aktivnost organizma i zahtijeva veći napor za zadovoljavanje životnih potreba, bez obzira da li je na taj način prouzrokovana invalidnost ili ne.
2. Pravo na novčanu naknadu zbog fizičke onesposobljenosti stiče osiguranik čija je fizička onesposobljenost u iznosu od najmanje 30% nastala kao rezultat povrede na radu ili bolesti uzrokovane radom.
3. Vrste fizičke onesposobljenosti na osnovu kojih se stiče pravo na novčanu naknadu kao i procenat takve onesposobljenosti utvrđuju se zakonom.

Član 72.b.

1. Osnova za novcanu naknadu za fizicku onesposobljenost je najnizi iznos penzije utvrdjen u skladu sa clanom 72. ovoga zakona.
2. Novcana naknada za fizicku onesposobljenost se utvrdjuje prema procentu fizicke onesposobljenosti i izrazava se u odgovarajucem procentu osnove te iznosi:

Za fizicku onesposobljenost od	Stupanj	Novcana naknada izrazena kao postotak od osnove
100%	1	60%
90%	2	54%
80%	3	48%
70%	4	42%
60%	5	36%
50%	6	30%
40%	7	24%
30%	8	18%

Clan 72.c.

Osiguranik ima pravo na novcanu naknadu od momenta nastupanja fizicke onesposobljenosti ukoliko je zahtjev za naknadu podnesen u roku od 6 mjeseci od dana nastupanja fizicke onesposobljenosti. Ako je zahtjev podnesen nakon isteka predvidjenog perioda, odiguranik ima pravo na novcanu naknadu od prvog dana u mjesecu nakon podnosenja zahtjeva kao i retroaktivno za 6 mjeseci.

Clan 72.d.

Ako je osiguranik za isti slucaj fizicke onesposobljenosti stekao pravo na novcanu naknadu i na osnovu ovog zakona i na osnovu drugih propisa, u tom slucaju moze po sopstvenom izboru koristiti bilo koji od ova dva osnova za naknadu."

Clan 10.

U clanu 128., stav 1. rijeci: "Zavoda za platni promet Federacije BiH", se mijenjaju rijecima: "organizacija nadleznih za platni promet".

Clan 11.

Ovaj zakon se objavljuje bez odlaganja u "Sluzbenim novinama Federacije BiH" i stupa na snagu nakon isteka perioda od 21. dana po objavljivanju.

Predsjedavajući
Doma naroda
Parlamenta Federacije BiH
prof. dr. Ivo Komsić, s.r.

Predsjedavajući
Predstavničkog doma
Parlamenta Federacije BiH
Enver Kreso, s. r.